

太上黃錄齋儀卷之十五

唐廣成先生杜光庭集

特勅為臣下消災落景行道

入戶

衡靈

五星高曜 瑞炁飛浮 元始集神

天地交周 玉符寶節 嘯命微幽

擲火揚威 奸凶無留 萬魔振伏

紛葩却消 摧怪伐惡 道炁同流

神光照夜 陰翳俱收 萬神降格

扇景乘颺 羣生成遂 惠遍神州

鳴法鼓二十四通

无上玄元太上道君召出_臣身中三五功曹

左右官使者侍香金童傳言散花玉女五帝

直符直日香官各三十二人出出者嚴裝關

啓玄壇天帝神君當召此間土地里域真官

正神以今奉為入意祈恩玉闕進拜丹書願

得玉清道炁靈寶妙光下降流入_臣等身中

即使紫精贊勅玉關開明五老輔根萬帝攝

真體圓珠映乘景懸宸金光煥赫仰炁上清

令_臣所啓速達徑御

太上无極大道無形無名虛无自然金闕玉

陛下

神霄九宸上帝御前

各稱法位

上清玄都太洞三景弟子无上三洞法師奉

行黃錄大齋消災法事其嶽先生某帝真人

某等同誠上啓

虛无自然元始天尊无極大道太上大道君

高上大道金闕玄元天皇大帝太上老君昊

天玉皇上帝十方已得道大聖衆至真諸君

丈人三十六天帝君王虛上帝玉帝大帝東

華南極西靈北真玄都玉京金闕七寶玄臺

三界官屬一切真靈_臣等夙以鴻因獲逢玄

化三洞布弘慈之訓普福人天四明開廣濟

之科顯資邦國是以玉書演典金簡詮功惟

感必通有祈成應况乎事形帝命念屬宸襟

恩重君臣誠希福祐是敢考洞玄之典式按

靈寶之文儀率勵法流精修齋直虔奉詞旨

敢不上聞

皇帝青詞謹當宣奏

讀詞

按如詞言理宜關奏

皇帝以某官五行倚伏有否塞之期三命運

行有興衰之理值茲厄會深軫睿慈備內府

之香花憑上清之科品俾崇齋福恭啓壇場

質龍練以盟心資蘭炷而馳懇八鸞十鶴期

盼縈以來儀鳳聲龍煙必虛徐而上達以今

落景行道請法衆等運茲初捨上香

願此香煙騰空徑上供養

无上至真道寶_臣等歸身歸命首體投地仰

依

太上三尊願以是功德歸流

聖朝宗廟杜搜尊靈宴景太虛凝神丹闕羽

旂翠葆階萬聖以朝元玉葉金枝越千齡而

受福祚隆周卜地廣堯封八表咸寧羣生常

泰今故燒香自歸依

師尊大聖衆至真之德得道之後昇入无形

和與道合真

以今落景行道請法衆等運茲二捨上香

願此香煙騰空徑上供養
无上至真經寶_臣等歸身歸命首體投地仰
依

太上三尊願以是功德歸流

皇帝伏羲鎮元靈策會玉斗之威神丹錄寶

章召瓊宮之寮屬增崇

帝祚延永

聖年與辰極以齊安共日華而同照皇后龜

臺並列鶴壽彌長太子諸王擁洪休而奉聖

六宮百辟扶

皇極以承榮萬宇咸履普天均福今故燒香

自歸依

師尊大聖眾至真之德得道之後昇入无形

和與道合真

以今落景行道請法眾等運茲三檢上香

願此香煙騰空徑上供養

无上至真師寶_臣等歸身歸命首體投地仰

依

太上三尊願以是功德歸流十極九冥諸天
諸地玄風所扇道化所覃幽顯俱榮人天同

福某官九玄七世乘善既以登真外族內姻
荷神功而契道積瑕消蕩衆厄蠲除年祿遐
長福善臻奉今故燒香自歸依
師尊大聖眾至真之德得道之後昇入无形
和與道合真

禮方

懺悔

三啓

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

三禮

_臣等至心稽首禮

太上无極大道

_臣等至心稽首禮

三十六部尊經

_臣等至心稽首禮

宮中大法師

重稱法位

_臣等謹重上啓

太上无極大道元始天尊太上大道君太上
老君十方无極大道道德衆聖天尊至真太
帝天帝三十六部尊經玄中大法師天師君
玉輔上宰四司五帝三界官屬一切真靈_臣
等伏聞道化玄微高爽九清之上神功昭著

流于八極之中若影響之相符由感通而成
應凡情上達玄脫必通况乎發自宸衷形于
帝念欲竹隨機之福以彰允契之靈大道衆
尊必孚嘉祐

皇帝以某官_臣神二象凝炁三靈陰陽有昇
降之殊凶吉有推遷之理值茲厄會用軫憂

勦爰命精誠式陳齋告所冀青詞上御諸天
迴濟護之仁未表昇聞萬聖降舒禁之澤勅

四司五帝詔三界十方開紫陽上宮下九龍
符命爲某官解前冤宿債原桂慶深瑕除罪

對之書落考延之簡錫延長之祚迴短促之

期三命五行天文地紀一切災厄咸賜蕩除
使祿祚惟新年壽增益神炁興感衰答蠲消

九祖七玄生天受福上願天元昭朗地載安
貞三光有璧合珠連八表無祲風沍氣寶圖

隆園

聖壽延洪方目將軍擲火鉢而掃氣霧履眉
 御史揮紫筆而紀休禎皇后嬪妃常求景祐
 諸王太子共履殊祥明廷多察正之臣邊徽
 息烽煙之備調和玉燭豐積瓊儲億兆歡康
 寔凝靜謐泊乎陰陽主宰川嶽龍神翊贊昌
 時昭宣道化三塗九夜六趣殊倫共荷齋功
 咸臻福岸上明
 天尊大慈之澤允副
 皇帝虔奉之誠謹啓

發願

一願乾坤明素二願氣象清玄三願聖君萬
 壽四願化洽八挺五願天垂甘露六願地發
 祥煙七願四時應候八願萬物生全九願家
 多孝悌十願國富才賢十一願齋功廣被十
 二願善瑞日臻

復爐

香官使者左右龍虎君侍香諸靈官當今
 朝元之所自然生金液丹碧芝英百靈衆真
 交會在此洞素爐前臣體耀金輝斬伐胞

二十一

根七玄拔擢百關備仙解除死籍冥坐泥丸
 東華紀宇策景虛玄十方仙童玉女接待香
 煙傳臣向來所啓之言速達徑御
 太上元極大道無形無名虛无自然金闕玉
 階下

神霄九宸上帝御前

出戶

太上黃籙齋儀卷之十五

正一天師清微弟子洪百堅 製作

道教學術資訊網站

太上黃籙齋儀卷之十六八十七

唐廣成先生杜光庭集

特勅為臣下遷拔清旦行道

入戶

各禮師存念如法

衛靈

青陽虛映 曜日回靈 神虎辟邪

飛天流鈴 摧奸滅試 萬魔東形

九微回道 八威擗精 千真拔錄

三元蕩滌 左嘯中黃 右策六丁

七轉八合 周旋天經 聖化難窮

三道順行 慶雲流布 合景黃庭

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言散

花玉女五帝直符臣日香官各三十二人出

出者嚴裝關啓玄壇天帝神君當召此間土

地里域真官正神急上關啓臣今奉為臣意

以今清旦行道願得玉清道炁靈寶妙光下

降疏入臣等身中即使玄壇清淨內外成真